



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIÁL

Komunikadu Imprensa

14 Janeiro 2013

JSMP kontinua hetan apoiu husi Royal Noruegia Embassy-Jakarta durante tinan 3 ho total fundu US \$ 542,587.00

JSMP kontinua hetan apoiu finanseiru husi Royal Noruegia Embassy iha Jakarta-Indonésia ho ninia durasaun tempu tinan 3 husi Novembru 2012 to'o 2015. Fundu ne'e sei apoiu JSMP nia Unidade Justisa ba Feto ba programa atu hasae asesu feto nian ba sistema justisa formal

*“Apoiu finanseiru ne'e nu'udar komitmentu boot ne'ebé Governu Noruegia investa ba seitór justisa Timor-Leste nian, liu-liu ba promosaun direitu feto no asesu feto ba sistema justisa formál,”*dehan Luis de Oliveira Sampaio, Diretór Ezekutivu JSMP.

“JSMP sente orgulhu no agradese ba Governu Noruegia ho ninia apoiu iha seitór justisa ne'ebé nu'udar pilar importante ida iha nasaun direitu demokrátiku. JSMP fiar katak apoiu ne'e bele kontinua hametin liu tan servisu JSMP nian iha area prevensaun no komitmentu atu kombate kazu violénsia bazeia ba jéneru iha sosiedade Timor-Leste.”

Fundu ne'e sei kobre ba atividade monitorizasaun iha tribunál sira, desiminaun informasaun no treinamentu ba lider comunidade feto iha areia rurál no estudante sekundária feto kona-ba Lei Kontra Violénsia Doméstika, Kódigu Penál no Prosesu Penál husi perspetiva jéneru.

Antes ne'e, iha Janeriu 2009 to'o Novembru 2012, Governu Noruegia mos investe ona orsamentu atu apoiu programa asesu feto ba justisa ho montante US \$ 560,266.00

Atu hetan informasaun kle'an favor kontaktu direktamente:

Luis de Oliveira Sampaio
Diretór Ezekutivu JSMP
Email: luis@jsmp.minihub.org
Landline: 3323883 / 77810637
www.jsmp.tl